



Doris Jakobsen  
Inatsisartunut ilaasortaq  
/MAANI

### § 37 naapertorlugu apeqqut nr 2014-148-imut akissut

Inatsisartut suleriaasianni § 37, imm. 1 naapertorlugu Arsuk pillugu Naalakkersuisunut apeqquteqarsimavutit. Apeqqutit uannut akisassanngorlugit innersuunneqarsimapput.

#### Apeqqut:

1. Arsummi aalisagartassiisoqarnissaanik Naalakkersuisut pilersaaruteqarpat?
2. Aningaasaqarnermut Naalakkersuisup Arsummut tikeraarnera tunngavigalugu kinguneqartitsisoqarniarnerluni?

#### Akissut:

##### 1)-MUT

Nunatta kitaani aqutsiveqarfinni tamani 2014-imi pisassiissutissat Naalakkersuisunit aalajangersaaffigineqareerput. Tassunga atatillugu aalisartut Arsummeersut ilaatigut saarullinnik, qaleralinnik, saattussanik kapisilinnillu aalisarsinnaassapput. Sinerissap qanittuani saarullittassiissutinit 15. julimi 8.000 tonsit sinnerupput, taamaattumik taq-qavani saarullinniarsinnaanissamut periarfissaqarluarpoq. Ilutigalugu Naalakkersuisut naatsorsuutigaa ukiut siulii assigalugit kapisilinniarnep nalaanni 1. augustusimit 31. oktober-imut Arsummi tunisassiorfimmu kapisilinnik tunisisoqarsinnaassasoq. Aalisartut Arsummeersut ukioq naallugu aalisarsinnaanissaminnut periarfissaqarluarput taamaattumillu Arsummut tunngatillugu pisassiinissamik Naalakkersuisut pilersaaruteqanngillat.

##### 2)-MUT

Inuussutissarsiornermut, Aatsitassanut Suliffeqarnermullu Naalakkersuisoqarfik nunaqarfimmiut ataatsimeersuartinneqaaqqammernerisa malitsigisaanik suleqatigiissitamik pilersitsivoq Aalisarnermut, Piniarnermut Nunalerinermullu Naalakkersuisoqarfimmit, Aningaasaqarnermut Nunamullu Namminerimut Naalakkersuisoqarfimmit aammalu Peqqis-sutsimut Attaveqarnermullu Naalakkersuisoqarfimmit ilaasortaaffigineqartumik. Suleqatigiissitap suliassaraa nunaqarfinni aalisakkerinikkut suliffissaqartitsiniarsinnaanissamut periarfissat pillugit nalunaarusiornissaq. Taamaattumik aalajangiisoqartinnagu nalunaarusiap naammassinissaa utaqqimaarneqarpoq.

Inussiarnersumik Inuulluaqqusillunga

Finn Karlsen

25-07-2014  
Suliap nr. 2014-101933  
All. nr. 1647669

Postboks 1015  
3900 Nuuk  
Oqarasuaat (+299) 34 50 00  
Allakkasuartaat (+299) 32 50  
02  
E-mail: govsec@nanoq.gl  
www.naalakkersuisut.gl